

Na osnovu člana 43. stav (2) Zakona o visokom obrazovanju („Službene novine TK“, broj: 7/16, 10/16, 5/17, 15/17 i 15 /19) i člana 52. stav (1) tačka b) Statuta Univerziteta u Tuzli, uz prethodno pribavljeno Mišljenje Upravnog odbora JU Univerzitet u Tuzli broj: 04-409-1/20 od 24.01.2020.godine i prethodno pribavljeno Mišljenje Ministarstva obrazovanja i nauke, Tuzlanskog kantona broj:10/1-34-937-2/20 od 22.01.2020 godine, te Odluke o davanju prethodne saglasnosti Vlade Tuzlanskog kantona broj: 02/1-34-937-3/20 od 28.01.2020 godine, Senat JU Univerzitet u Tuzli, na sjednici održanoj dana 30.01.2020. godine, donio je

ODLUKU o izmjenama i dopunama Statuta JU Univerzitet u Tuzli

Član 1.

U Statutu JU Univerzitet u Tuzli broj: 03-730-1/17 od 03.02.2017. godine član 27. mijenja se i glasi:

(1) Univerzitet u svom sastavu ima organizacione jedinice koje čine: fakulteti, akademija i Studentski centar, kako slijedi:

1. Akademija dramskih umjetnosti (pozorište, film, radio i TV) (dalje: Akademija), ul. Armije BiH bb;
2. Edukacijsko – rehabilitacijski fakultet (dalje: ERF), ul. Univerzitetska, broj 1.;
3. Ekonomski fakultet (dalje: EF), ul. Urfeta Vejzagića, broj 8.;
4. Fakultet elektrotehnike (dalje: FE), ul. Franjevačka, broj 2.;
5. Fakultet za tjelesni odgoj i sport (dalje: FTOS), ul. 2. Oktobra, broj 1.;
6. Farmaceutski fakultet (dalje: FMF), ul. Urfeta Vejzagića, broj 8.;
7. Filozofski fakultet (dalje: FF), ul. dr Tihomila Markovića, broj 1.;
8. Mašinski fakultet (dalje: MŠF), ul. Urfeta Vejzagića broj 4.;
9. Medicinski fakultet (dalje: MF), ul. Univezitetska, broj 1.;
10. Pravni fakultet (dalje: PF), ul. Muhameda Hevaija Uskufija, broj 7.;
11. Prirodno – matematički fakultet (dalje: PMF), ul. Urfeta Vejzagića, broj 4.;
12. Rudarsko – geološko – građevinski fakultet (dalje: RGGF), ul. Urfeta Vejzagića broj 2.;
13. Tehnološki fakultet (dalje: TF), ul., Urfeta Vejzagića broj 8., i
14. Studentski centar (dalje: SC), ul. Muhameda Hevaija Uskufija, broj 7.

(2) Na Akademiji i fakultetima iz stava (1) ovoga člana, ukoliko se studij izvodi iz više obrazovnih/umjetničkih i naučnih područja, organizuju se studijski odsjeci/usmjerenja za svako obrazovno područje/granu/polje.

(3) Studijski odsjek, u skladu sa odlukom Senata, može imati uže naučne oblasti/katedre kao osnovne naučno-nastavne/umjetničko-nastavne jedinice odsjeka/fakulteta koje pokrivaju jednu granu ili segment unutar naučnog polja koje se izučava na fakultetu/odsjeku.

Član 2.

U članu 50. u stavu (1) tačka a) briše se.

Dosadašnje tačke a) do y) postaju tačke a) do x).

Član 3.

U članu 52. u stavu (1) tačka q) riječ „imenuje“ briše se.

U istom stavu tačka ee) briše se.

Član 4.

U članu 57. stav (3) briše se.

Stav (4) koji postaje stav (3) mijenja se i glasi:
„Rektor se bira na mandat od četiri godine i isti može biti ponovo biran“.

Član 5.

U članu 58. stav (4) mijenja se i glasi:
„Način dokumentovanja ispunjavanja opštih i posebnih uslova iz člana 57. stav (2) i stava (2) i (3) ovog člana utvrđuje se odlukom Senata o raspisivanju konkursa“.
U istom članu stavovi (6) i (7) brišu se“.

Član 6.

U članu 59. stav (3) mijenja se i glasi:
„Javni konkurs za izbor rektora objavljuje se u najmanje jednom dnevnom listu i na web stranici Univerziteta, u pravilu najkasnije šest mjeseci prije isteka mandata rektora i ostaje otvoren 15 dana od dana objavljivanja“.

Član 7.

U članu 62. u stavu (4) riječi „ i imenovanje“ brišu se.
U istom članu iza stava (4) dodaje se novi stav (5) koji glasi:
„Odluke iz stavova (1) do (4) su konačne“.

Član 8.

Član 63. mijenja se i glasi:
„(1) Tokom trajanja mandata rektora Univerziteta, prava i obaveze istog iz radnog odnosa miruju, počev od dana izbora, a najduže na period koliko traje mandat za obavljanje te funkcije.
(2) Izabrani rektor Univerziteta za period trajanja mandata sa Univerzitetom zaključuje ugovor o obavljanju poslova rektora Univerziteta.
(3) Ugovor iz stava (2) ovog člana sa izabranim licem u ime Univerziteta potpisuje član Senata Univerziteta kojeg ovlasti Senat. Ovlaštenje za potpisivanje ugovora Senat daje na istoj sjednici na kojoj je izvršen izbor rektora.
(4) Licu koje je obavljalo dužnost rektora, po isteku mandata ili prestankom mandata prije njegovog isteka po nekom od razloga utvrđenih Zakonom, prestaje ugovor iz stava (3) ovog člana, a nastavlja izvršavati prava i obaveze iz ugovora o radu zaključenim prije izbora na dužnost rektora“.

Član 9.

Član 64. briše se.

Član 10.

U članu 68. u stavu (2) iza riječi Senat, tekst „uz prethodnu saglasnost Upravnog odbora“ briše se.

Član 11.

U članu 69. iza stava (3) dodaje se novi stav (4) koji glasi:
„Nakon imenovanja vršioca dužnosti rektora, Senat na istoj sjednici donosi odluku o raspisivanju javnog konkursa za izbor rektora“.

Član 12.

U članu 70. stav (2) briše se.

Član 13.

Član 73. mijenja se i glasi:

„(1) Za prorektora Univerziteta može biti imenovan nastavnik Univerziteta koji je u radnom odnosu na Univerzitetu sa punim radnim vremenom, koji je izabran u zvanje redovnog ili vanrednog profesora, te koji ispunjava i ostale opšte i posebne uslove utvrđene članom 58. stavovi (2) i (3) Statuta Univerziteta.

(2) Kandidat za prorektora, dostavlja rektoru pismenu izjavu da prihvata kandidaturu za imenovanje, biografiju, kao i dokaze o ispunjavanju opštih i posebnih uslova za imenovanje, u formi propisanoj za izbor rektora, koja se analogno primjenjuje i za ovu funkciju.

(3) Rektor je u obavezi u roku od 15 dana od dana svog imenovanja predložiti Senatu kandidate za prorektore“.

Član 14.

U članu 74. iza stava (6) dodaje se novi stav (7) koji glasi:

“Odluka Senata o izboru prorektora je konačna.“

Član 15.

U članu 76. stav (2) mijenja se i glasi:

„Ukoliko i nakon ponovljenog postupka iz stava (1) ovog člana Senat ne imenuje prorektore, iste imenuje rektor“.

Član 16.

Član 77. mijenja se i glasi:

„(1) Prorektore Univerziteta iz člana 26. stav (2) ovog Statuta imenuje i razrješava Senat Univerziteta, na prijedlog rektora.

(2) Mandat prorektora u pravilu prati mandat rektora, a traje najduže četiri godine i isti može biti ponovo imenovan.

(3) Sa izabranim prorektorom rektor Univerziteta zaključuje ugovor o obavljanju poslova prorektora.

(4) Tokom trajanja mandata prorektora Univerziteta prava i obaveze iz radnog odnosa po osnovu zaključenog ugovora o radu miruju, počev od dana imenovanja, a najduže na period koliko traje mandat za tu funkciju.

(5) Licu koje je obavljalo dužnost prorektora, po isteku mandata ili prestankom mandata prije njegovog isteka po nekom od razloga utvrđenih članom 68. stav (1) i stavom (2) tačke b) do h) Statuta, prestaje ugovor iz stava (3) ovog člana, a ponovo se aktiviraju prava i obaveze iz ugovora o radu koji je imao zaključen prije imenovanja na dužnost prorektora“.

Član 17.

Član 79. briše se.

Član 18.

Ova Odluka stupa na snagu danom donošenja od strane Senata.

UNIVERZITET U TUZLI

SENAT

Broj: 03-593-1-1/20

Tuzla, 30.01.2020. godine

PREDSJEDAVAJUĆI SENATA

Dr.sci. Nermina Hadžigrahić, red. prof. s.r.